

آنادولو مجوسی

علم و ادیانده باعث آیلور مرقوم

مندرجات

کمال احمد	عایشه توزکوسی	محمد مهال	ملیت پرو لکک معناسی
فخر الدین محمدی	الاسه	حبیب عاصم	(بیلنر بیلنه یلره اوکره تون)
رشاد شمس الدین	قانت و فلسفه سی	مهنی ضیا	تورک قوملری
محمد شرف	آنقره	حبیب فاضل	بالان دوکن داغری
محمد امین	(ارتجاع قارشینده کنجک)	محمد مظفر	غربت آقشامنده
محمد فاضل	اورفا شاعرلری	محمد کمال	برتقدیر تجر به سی
محمد خالد	نجایتینک شعر	مکریم خلیل	آنادولونک تشکلی
ضیاء الدین فخری	آنادولو قادیقلی	اسماعیل نامی	داغلره
محمد طاهر	عمر سیف الدین دائر	عمر بدر الدین	کوکلی
حسن جمیل	جنازه نویسی (حکایه)	صمیم کمال	اوسای کوزل ایچون
عبدالرحیم شریف	موش اوواستده	محمد فاروق	جشمه
آناک ایزلری		ضیاء الدین فخری	تاریخچه ارضروم
		صلاح الدین محمدی	(اسولنر جالشه تک تیجملری)

آنادولونان ییخی

تورک قرونک مختلف ملتله آبرلمی رآنادولو وطن وملتک نشطی

۱

سوریانی و عراقی فتح ایدن اسلاملر هجرتک یکرمنجی سنه سندن اعتباراً آنادولویه تعرضه باشلامشردی . بیتمین ، توکنمین بوحاربهلر آنادولوی خرابه حاله کتیربور ، روملرکی اسلاملری ده بیتاب ایدیوردی . کرک خلفای راشدین ، کرکه اموی و عباسی خلیفه لری آنادولوی ده عراق و مصر کی بر اسلام ولایتی حاله قویمق ایچون چوق اوغراشدیلر ؛ اوج ییحق عصر دوام ایدن مهادی غزائلر آنیحق آنادولونک قسماً فتحی تأمین ایده بیلدی . فقط یزانتیلر آنادولوی استرداد املندن هیچ بروقت کیری قالمیورلردی . ۳۲۰ تاریخندن سوکر ا مظفریت روملره دوندی ، مسلمانلر آنادولوده کی مملکتلری بر

بر تورکه مجبور اولدیلر . صیراسیله ملاطیه ، مرعش ، طرسوس ، آظه ، انطاکیه واک نهایت اورفه روملرک الله کجکی کجی ، شرقی آنادو- لوده همان کاملاً ضایع اولدی . ۱۰۰۰ تاریخلرینه دوغری ایکنجی بازیل شرقه سفر ایدرک بتون آنخازیانی وارمنی قرالریخی اطاعته مجبورایتدی .

روملر ایله اسلاملر آره سنده کی حدود خطی جنوبده انطاکیه و منبج ، اوندن سوکرا (سیمساط = صمصاد) و (اورفه = رها) ، کاخته ، شرموساک [فرات اوزرنیده در] دن کچرک فراتک شماله دوغری امتداد ایدیور ، بعده تکرار جنوبه دونه رک (واسپوراقان) دنیلن و وان کولنک جنوب شرقیسنده بولنان ممالکی احتو ایدوب زاب علیا نهری منبعلرینه قدر تمتد اولیوردی . شو حالده ، اوراق برخطه استنا ایدیله جک اولورسه ،

داغلمره

دالوب کوکله انکینه
نه آرار ، کیسی آرار ؟
وصاله ایردم ، ینه
بکله دیکه برشی وار .
خبره

ایسته دیکم نه ، بیلیم ؟
ایچندن یانار سینهم ،
یوردم بکا جهنم ،
علوی ده شو روزگار !

قیریق قوم ، قنادم ،
بیلنمه یور هیچ آدم ،
بو ایللرده بن یادم ،
قورتارک بنی داغلر !

اسماعیل نامی

انطاکیه نك جنوبندن اعتباراً زاب منبعلرینه قدر اوزایان خطك شمالنده قالان اراضی شرقی روما ایمپراطورلنی ممالکندن معدود بولنور و آسیا قطعهنده بولان بوقطعهیه (آنادولو) تسمیه اولنوردی . اسلام مورخلری وجغرافیونی بوکا (بلادالروم) ویا سادهجه (روم) دیورلردی .

شرقی روما ایمپراطورلنی ایله عرب خلیفهلری آرهسنده دوام ایدن سلسله مجادلاتك خاتمهسی بوحود اولمشدی . بوحودك شمالنده بولان بلدهلر ، بلاد رومدن یعنی آنادولودن عد اولونمقده ایدی .

بشنجی عصر هجری ابتداستده توركنلرك مهاجرتی باشلادقذن صوكر اعجم ، عرب وروم قوملری بویکی مسئوللرك تعرضه هدف اولدیله . توركمن حکمداری و آل سلجوق رئیس طغرل بك زماننده باشلایان استیلا سلطان اعظم ملکناه زماننده اقصای ککله ایردی . عدن کورفزدن و استانبول بوغازندن چینه قدر امتداد ایدن اقطار وسیعه توركنلرك تحت حاکمیت کیردی .

امویله زماننده بوتون ممالك اسلامیه عراق ، خراسان ، شام ، مصر ، افریقیه یاخود مغرب ایا-
لتلرینه آیرلمشدی . بونلردن عراق ایالتی بصره ،
کوفه ، اهواز ، فارس ، بحرین ، یمامه ، کرمان ،
اصفهان ، ری ، دیلم ، آذربایجان عامللکلرینی احتوا
ایتمکده اولدینی کبی خراسان امارتی ده اصل
خراسان ایله سجستان ، خوارزم ، ماوراءالنهر ،
جرجان ، طبرستان ، سند خطهلرینی جامع بولو-
نمقده ایدی . افریقیه ایسه ، طرابلس ، تونس ،
جزایر ، فاس واندلس عامللکلرندن ترکیب ایلمکده
وشام ایله مصر ایالتلری بتون سوریه و مصر قطعهلرینی
محتوی بولونمقده ایدی .

بوتشکیلات ، اوفق تفك ، موقت دیکشکلکلر-
دن قطع النظر بتون تاریخ اسلامده ثابت قالش ، اسلام
ملتلرینك ، اسلام دولتلرینك تشککنده اساس اولمشدر .

کورکل

شایدرك كوكل ، نه
أفانه استیورسك
بن اورتاغم دردیکه
سویله ، نه ایسته یورسك ؟

طوتوشك گوندن گونه ؛
حسرتی قالدك دونه ؛
سونوك بر عشق اوسته
سویله ، نه ایسته یورسك ؟

آغلما برآزده گول
یاقدیمی سنی اوگل ؟
آغلما چیلغین گوگل
سویله ، نه ایسته یورسك ؟

عمر جلالیه

هربری بر ایمبراطور قلندن دها واسع اولان بوامارتلر بالاخره ، عباسیلر دورنده حقیقی و مستقل برر ایمبراطورقلی اولمشلردر . بوسفر بوامارتلره (سلطنت) عنوانی ویرلش و امیرلرینه ده (سلطان) تسمیه اولونمشدر .
تورکمنلرک استیلاسندن برآز اول خراسانده آل سامان اجرای حاکمیت ایدیوردی ؛ سبکنکین طائفه‌سی بو خاندانی استخلاف ایتدی . عراقده آل بویه ، سوریه و مصرده قاطعی خاندانی حکومت سورمکده ایدی . شو حالده اسکی اموی امارتلیرنک یرنده برر سلطنت تشکل ایشدی .

آل سلجوقک اداره‌سنده فتوحات و استیلایه باشلایان تورکمنلر بوايمبراطورقلری بپک آاز زمانده یتقماغه موفق اولمشلردی . برآز صوکر اشرق رومایمبراطورلنی الند بولنان آنادولو قطعه‌سی ده فتح ایدلدی . تورکمنلر خراسانه ، عراقه ، آنادولویه و سوریه‌یه مهاجرت و توطنه باشلادیلر .

سلطان ملکشاه زماننده ممالک مفتوحه اون ایکی ولایته آیرلش و والیکلره آل سلجوقه منسوب پرنسیر نصب ایدنمشدی . بومیانده آنادولو ولایته سلیمان بن قوتولش ، سوریه‌یه تاج الدوله توتوش ، آذربایجانیه یاقوتی ، خراسانه ارسلان ارغو... تعیین اولونمشدی . سلطان ملکشاه دورنده پاییلان بوتشکیلات چوق دوام ایتدی ؛ اونک وفاتی متعاقب شهزاده‌لر آراسنده وقوعه کلن تاج و تخت منازعه‌لری نتیجه‌سنده آلت اوست اولدی . نهایت امویلر زماننده کی بویوک ایالتلر عادتایکیدن دیرلدی و درت بیوک ایمبراطورقل تشکل ایتدی :

۱ — خراسان سلطانلغی : خراسان ، خوارزم ، کرمان ، ماوراءالنهر ، تورکستان ، غزنه و هندستان اولکلری بوسلطته مربوط ایدی ؛ مرکزی مرو ایدی .

۲ — عراق سلطانلغی : عراق عرب ، عراق عجم ، فارس ، دیلم ، موصل ، آذربایجان ، اران [آراس نهرینک شمالنده بولنان بوکونکی شمالی آذربایجان و کرجستان] قطعه‌لری بوسلطته تابع ایدی ؛ مرکزی اصفهان ایدی .

۳ — آنادولو ویا روم سلطانلغی : بتون آنادولو قطعه‌سی احتوا ایلکده ایدی ؛ مرکزی قونیه شهری ایدی .

۴ — شام و سوریه سلطانلغی : بتون سوریه ، حجاز و یمن خطه‌لرینی محتوی ایدی ؛ مرکزی دمشق شهری ایدی .

بوايمبراطورقلردن بری علی الاصول دیگر اوچنه ریاست ایدیوردی . بدایه ریاست

عمومیه عراق سلطانده ایکن ، بالاخره خراسان سلطانه انتقال ایتشدی . رئیس عمومی (سلطان اعظم) ، دیکر لری ایسه (سلطان معظم) عنوانلرینی طاشیرلردی . هر سلطنت بر چوق ولایتله آیرلشدی . مثلاً خراسان سلطانلنی نفس خراسان قطعه سندن باشقه آلی بیوک ولایت آیریلقله برابر اصل کندیبی ده بر چوق امارتلری احتوا ایلکده ایدی .

سوریهدده بو صورتله حلب ، حمص ، حما ، قدس و طرابلس امارتلرینه آیرلشدی . امارتلر تورک رؤسائه ، بکک اولاد و احفادینه انتقال ایتک اوزره توجیه اولونمشدی . مثلاً حلب آقسونقوره ، حمص قیرخانه ، قدس آرتقه ... الخ ویرلشدی . بو امیرلر امور داخله لرلنده کاملاً مستقل ایدیلر ، یالکز محاربه زماننده سلطانه باش قوماندان صفیه اطاعت ایدرلر و حوزه حاکمیتلرنده کی مالکده سلطان اعظمک اسمنه تردیفاً کندی سلطانلرینک نامنه خطبه او قودورلردی . امیرلرک حکمدارلره قارشی مجادلهری دائماً دوام ایدردی . بالخاصه سلطان اعظم محمد بن ملکشاه ، سلطان اعظم اولمق داعیه سیله حرکت ایدن پرنسردن یزار اولمش و سلطنتلری نقوذینی قیرمق ایچون امیرلری قوتلندیرمک آرزو ایتش ایدی . بیوک سلطانک مظاهرنی سایه سنده امیرلرک زیادده قوتلنمک و سلطانلره تغلب ایتمک باشلادیلر . بو صورتله شرقده حقیقی بر دره بککک تأسس ایتدی .

آنادولو سلطانلنی ینه آل ساجوق شعبه لرندن بری طرفندن اداره ایدمکده ایدی . سوریهدده و دیکر مالکده اولدینی کبی بورادهده بیوک دره بککک موجود ایدی . سیواس حوالیسی دانشمندک ، دیار بکر آرتق اوغوللرینک ، اخلاط خطه سی امیر سقمانک ، ارضروم امیر صلتک ... الخ تحت حاکمیتده ایدی . آنادولو قطعه سی تام بر ولایت عد ایدیلهرک سلطان اعظم ملکشاه طرفندن آنادولو فاتحی سلیمان بن قوتولمشه توجیه ایدلدیکی زماندن اعتباراً بو امیرلرده مذکور خطه لره حاکم اولمشلردی . دیکر ایمپراطورقلرده امرانک سلاطینه قارشی وضعیتی نه ایسه بورادهده امیرلر سلطانه قارشی عینی وضعیتده ایدیلر ؛ یعنی اداره داخله لرنده تمامیه مستقل اولوب یالکز مشترک دوشبان قارشینده سلطانی متبوع و رئیس بیلرلردی .

بو ایمپراطورقلرک هپسینی آیری آیری تدقیق ایدم :

سوریه سلطانلنی ، دمشق مرکز اتخاذ ایتش و سوریهدده کی دیکر امارتلره رئیس اولمشدی . بو قلعه نك حکمداری سلطان قوتوش ، برادری ملکشاهک و قاتی ایشیدیر ایشتمز اونک یرینه کچمک و بیوک سلطان اولمق اوزره ایرانه کتدی ؛ فقط مغلوب

و مقتول اولدی . اوغوللری ، سوریه ده سلطان اولدیلر . فقط سلطان اعظم محمد بن ملکشاھک تعقیب ایتدیکی سیاست امرایی پک زیاده قوتلندیرمش ایدی . مشارالیه تأسس ایدن سلطنتلری برر برر ییقمق و امارتلی دوغریدن دوغری یه دیوان اعظمه ربط ایلمک و بوصورته بوتون ممالک اسلامییه برمرکزدن اداره ایتک ایسته یوردی . امرانک قوتی نهایت سوریه سلطنتی اقتراضه اوغراتدی ؛ سوریه ، سلطان اعظمه تابع بش آلتی امارتدن متشکل و متفرق بر قطعه حاله کیردی . فقط حقیقتده ایسه سوریه ده جغرافی ، تاریخی و حرثی بروحدت موجود ایدی . هر نه زمان اولورسه اولسون مذکور قطعه ده کی امارتلیک برلشه جککری سوریه ده بر دولتک تأسس ایده جکی شه سزدی .

بودفه امیرلردن هر بری کندی حسابلرینه سوریه ده بروحدت تأسسینه و بتون سوریه قطعه سی بر اداره آلتنه آلمغه چالیشه جقلردی . نه کیم بویه اولدی : طغتنکین عائله سی ، آقسونقور پورصوقی عائله سی ، آرتق عائله سی ، زنگی و اوغلی نورالدین هب بونک ایچون اوغراشدیلر . نهایت نورالدین بن زنگی بوکا موفق اولدی ، بوتون سوریه نی آلدی .

نورالدین ، بوتون سوریه ده حاکم اولمغه برابر سلطان دکلدی ، بر امیر ایدی . اولای عراق سلطانی ، صوکراده اونک متبوعی اولان خراسانده کی سلطان اعظم سنجری متبوع ظایردی .

فقط بویوک و متحد سوریه امارتک برکون تمامیه استقلال کسب ایده جکی آشکار ایدی . نه کیم ۵۵۲ ده سلطان اعظم سنجرک ارتحالندن صوکران نورالدین ، ذاتا پک زیاده تشتت ایچنده بولان عراق سلطنتی ظانیایوب اعلان استقلال ایتدی ، نامه سکه کسیدردی . بوندن باشقه نورالدین ، مصری و یمنی و حجازی آلدی . معظم بر امیرطورلق قوردی . آرتق سوریه سلطنتی یکیدن - فقط تمامیه مستقل اوله رق - تأسس ایلمش اولدی .

بوسلطنک اداره سی بالاخره ایوبی عائله سنه کچدی . اونلردن ده تورک کوله منلرینه انتقال و عصرلره دوام ایتدی . سوریه سلطنت سلجوقیه سی سوریه - مصر دولتی وجوده کتیردی که اوزون عصرلر دوام ایدن بو دولت دائما آنادولو دولتک رقیب اولدی . ایکی ملت حاله کلن بر قومک ایکی شعبه سی یعنی آنادولو تورک لریله سوریه - مصر تورک لری سورکلی مجادله لرده بولندیلر . بو مجادله سوریه ده سلجوقی ، اتابکی ، ایوبی ، خاندانلرینک و غلامان اتراکک حاکم اولدیفی دورلرده آنادولوده حکمران اولان سلجوقی خاندانسه قارشی دوام ایلدیکی کبی یینه سوریه ده غلامان اتراکک و چرا کسه دورلرنده

آنادولو سلجوقیلرینه خلف اولان اُرتتا ، دوالقادر ، قرامان ، آق قویونلی و عثمانلی خاندانلرینه قارشیده دوام ایلمش و شوصورتله ایکی عرقداش ملتك مصادمه سی عصر لرجه تمدادی ایتمشدر . ایسته بوجادله لر ایکی دولت وملت یز برندن کلیاً آیرمش ، سوریه - مصر آیری ، آنادولو تورک لری ده آیری برر ملت حالته کلشدردر .

عراق سلطانلرینه کله لم : تورکمن ایمپراطورلرنگ یعنی ممالک سلجوقیه نك اک بویوک سلطنتلرندن بری اولان بودولت مرکزی قزوین اولان دیلم ، مرکزی بغداد اولان عراق عرب ، مرکزی اصفهان اولان عراق عجم ، مرکزی شیراز اولان فارس ، مرکزی موصل اولان موصل ، مرکزی مراغه ویا تبریز اولان آذربایجان ، مرکزی کنجه اولان (اران) ولایتلری احتوا ایلکده ایدی . بو واسع ولایتلرده بر طاقم امارتله آیرلمش ایدیلر . مثلاً دیلم بش امارته ؛ عراق عرب بغداد ، بصره ، واسط ، حله ، خوزستان امارت لرینه ؛ اران : قنلیس ، شیروان ، کنجه ، آتی ویا نخجوان امارت لرینه ؛ آذربایجان : مراغه ، تبریز ، همدان امارت لرینه ؛ فارس : شیراز ، اصطخر ، عمان ، بحرین امارت لرینه ؛ عراق عجم : ری ، اصفهان ، یزد امارت لرینه اقسام ایتمشدی . امارت امیرلری ولایتلرده والی بولان ملکره و اونلرده سلطانله تابع ایدیلر . ایسته بو عراق سلطانلری بو کونکی ایران ملت و دولتی دوغورمشدر .

سلطان ملکشاہ اوغللرندن برکیاروق و محمد عراق سلطانی اولدقدن باشقه دیگر سلاطینک ده آمری ، بوتون ممالک اسلامیة نك حکمداری و (آل سلجوق) ک رئیس اکبری بولونمقده ایدیلر . بونک ایچون سلطان اعظم لقبی طاشیورلردی . حالبوکه ۵۱۱ ده سلطان محمدک وفاتندن صوکر ا خراسان سلطانی سنجر ، برادر زاده سی و عراق سلطانی محمود بن محمد غلبه ایدرک کنهینه اطاعته مجبور ایتدیکی کبی دیگر سلاطینه ده آمر اولدی و وفاته یعنی ۵۵۳ سنه سنه قدر سلطنت اعظمی مشارالیه ک عهده سنده قالدی . عراق سلطانلرینه تابع اولان ولایتلر اکثر یسنده سلجوقی عائله سنه منسوب پرنسler (ملک) عنواتی حائر اوله رق اجرای حاکیت ایدیورلردی ؛ بو پرنسler آراده صیراده ادعای سلطنتله خروج ایلورلردی . سلطان محمدک وفاتندن صوکر ا داود ، بعده طغرل واونی متعاقب مسعود عراق سلطانی اولدیلر . مسعودک وفاتی متعاقب ولایتلرده بولان سلجوق پرنسleri سلطان اولقی ایچون برر لرینه دوشدیلر .

پرنسlerک اتابکلری ، پرنسlerدن داها زیاده صاحب نفوذ و قوت اولدقلری ایچون حاکیت ظاهرأ سلجوقی خاندانه منسوب ملکرده ، حقیقتده ایسه اتابکلرک النده ایدی .

اتابککرك اك قوتلیسی اولان آذربایجان واران ملکک اتابکی ایلدکز دیکر لرینه غلبه ایدوب سلجوق پرنسردن برینی سلطان اعلان ایتدیردی . عراق عرب وفارس قطعه - سندن ماعدا عراق سلطانلغه تابع اولان دیکر مملکتلرک کافه سنی ضبط ایتدی . بوضورتله عراق سلطانلی دوامه باشلادی . اتابکک بالآخره بتون بتون مستقل اولدیلر . خوار - زمشاهلرک بو حوالی بی ضبط وکندی لرینی اورته دن قالدیردقلری زمانه قدر اجرای حاکمیت ایلدیلر .

خوار زمشاهلردن نکش عراق عجمی آمشدی . جلال الدین منکوبرتی ایسه هندوستاندن عودتبنده بتون عراق عجم ، فارس ، آذربایجان ، کرمان ، خراسان قطعه لرینی ضبط ایدرک عراق سلطانلغی یکیدن وقوتلی برشکلده احیا ایتدی . مغوللر اونک حاکمیت خاتمه چکوب برینه بویوک بروایت تأسیس ایلدیلر .

آل جنکیزدن منکوق آن جیحونک غربنده کی ممالکی برادری هولاکویه اقطاع ایدرک حواله مذکورده نک فتحی اوکا حواله ایتشدی . هولاکو ، بتون بو حوالی بی باشند باشه آلدی ، حتی عراق عربی ده ضبط ایدوب عباسی خلافتی اورته دن قالدیردی . وایلخانیه جکومتی تأسیس ایلدی . بو حکومت ، اسکی عراق سلطانلنک یکی برطرزده احیاسندن باشه برشی دکلدی . یالکز هولاکونک حکومتی برآز داها واسع ایدی .

هولاکو ، اولجه عراق سلطانلغه تابع اولیان خراسان وکرمان قطعه لرینی ده آمشدی . آنادولو دولتی ده کندینه تابع بر دولت حمیه شکله سوقشدی . ۶۵۴ دن ۷۳۶ سنه قدر دوام ایدن بو حکومت زماننده ایران تورککرینک حکمران اولدیغی ایران وطنتک تشکلی ایچون مهم آدیملر آتیلمش واورزمانه قدر تاریخ کتابلرنده و رسمی اصطلاحانده قوللانیلیمان ، (ایران و ایران زمین) گه سی استعمال ایدلمکک باشلامشدر . ۷۳۶ ده سلطان ابو سعید بهادرک وفاتندن سوکرا جنکیر عاتله سنه منسوب پرنسیر ادعای سلطنتله مجادله یه دوشدیلر . بو مجادله خاندانک سقوطنه و ایران وحدتک صارصله سنه سبب اولدی . ایرانده ایلکان ، مظفر ، کرت عاتله لری ایران اراضی بی یکیدن بر اداره آلتیه طوبلامق ایچون بربرلیله اوغراشدیلر ؛ نهایت تیمورلنک ایرانی ضبط ایدوب هر اوچی ده اورته دن قالدیردی .

آسیانک قسم اعظمی فتح ایدن تیمور ، اکال فتوحات ایدوب ۸۰۶ ده سمرقنده دوندیکی زمان یه ایرانک آل سلجوق زمانندن بری دوام ایده ککده اولان تشکیلاتی ابقا ایتدی . ایران ، آذربایجان ، عراق عجم ، فارس ، عراق عرب ولایتلرینه برر

طوروتنی تعیین ایتدیکی کبی جمله سئک اوزرینه آمر اوله رق طورونی شیخ عمری نصب ایلدی . شوصورتله اسکی عراق سلطانلغنی احیا ایتدی . تیمور ، خراسانی - سلجوقیلر زماننده اولدینی کبی - مستقل برسلطنت یاپوب اوغلی شاهرخی تعیین ایتدی و بوتون غزنه ، کرمان ، هندستان خطه لرینی اونک تحت اداره سنه ویردی . بوصورتله خراسان سلطانلغنی احیا ایلدی . تیمور ، یالکز ماوراءالنهر و تورکستانی - که سلجوقیلر دورنده خراسانی سلطانلغنه مربوط ایدیلر - آری برسلطنت اعتبار ایدوب کندیسنه براقشدی . تیمورک وفاتی متعاقب آذربایجان تورکمنلرینک امیری قرا یوسف سوریه دن کله رک قیطعه مذکورده نی ضبط و تیمور احفادی بدندن نزع ایلدی . تیمور زاده لرله قرا یوسف احفادی آراسنده وقوعبولان مجادله نتیجه سنده عراق سلطانلغنی قرا یوسفک وبلا آخره اوغلی سلطان اسکندر بوجهان شاهک بدنده قالدی . عراق عرب ، فارس ، اران و آذربایجان قطعه لری ، یعنی اسکی عراق سلطانلغنی یکیدن دیرلدی و سلجوقی عائله سی کبی تورکمن اولان برعائله نک تحت اداره سنه کچدی .

قرا یوسف عائله سی یعنی قرا قویونلی خاندانی ، آنادولودن چیتان دیگکر برخاندان سونیدردی ؛ بو ، قره ایلوک خاندانی یعنی آق قویونلی عائله سی ایدی . بوخاندان آنادولوده نشئت و تأسیس دولت ایتیش اولمقله برابر ایرانی ضبط ایدرایتمز مقر حکومتلرینی آنادولودن قالدیرمشلر واسی مملکتلری اولان آنادولونک شرق حواله سی ده ابرانه تابع قیلمشلردی . قرا قویونلی دولتی ده قدیم عراق سلجوقی سلطنتک ممالکنی احتوا ایدیوردی . یالکز شرقی آنادولو فضلله اوله رق بوسلطته تابع ایدی . اوزمان خراسان قطعه سی ، مستقلاً بر دولت حالنده بولیور و تیمورلک احفادی اجرای حکومت ایدیوردی .

صفوی عائله سی ده بوخاندانی اورته دن قالدیردی . عراق سلطنتی یکیدن تأسیس ایلدی . بودولتک مؤسی اولان شاه اسماعیل کذلک عراق سلطانلغنی ممالکنه یعنی اران ، آذربایجان ، عراق عرب ، عراق عجم قطعه لرینه حاکم اولدینی کبی او زمانلر دیاربکر قطعه سی تسمیه اولتان و ملاطیه دن آذربایجانیه قدر متمد اولان شرقی آنادولوی ده آق قویونلوردن وراثه آلدی . بوندن باشقه شاه اسماعیل خراسانی ضبط و تیمور احفادینی حاکمیتدن محروم ایتیش اولان تورکستان خاقانی شیک خان مغلوب ایدوب خراسان و کرمانی آله رق حدود استیلاسی جیحونه قدر کوتوردی وایلخانلیر دورنده کی ایران دولتی احیا واسی عراق سلطانلغنی ممالکنه خراسانی علاوه ایتیش اولدی .

اوزون عصر لردنبری تشکل ایتکه باشلایان ایران بوصورتله تشکل ایتدی . یالکز

اوسماری کوزل ابحوره

شو سماري كوزه لك كوزلرينك يان باقيشي
ايكي نور چشمه سينك كوكله سوزكون آقيشي ،

بني تسخير ايديبور ؛ كوكلي تنوم ايديبور
كوز آلان چيفته نظرقلرينك خوش طاقيشي .

ايكي سياره لي ، بارلاق اقمم ، كاه ، قابانير ؛
آرادير ، غمزه رنگيني شيمشهك چاقيشي .

اوكا مشتاق سپرم ، صاعقه سندن قورقام ،
بني خشود ايديبور ؛ عشق ايله جانلر باقيشي .

بيليرم ، جلوه جوبه سي آفت ايسه ده ،
بهاري ، صيني لطيف ، خوش كيبور كوز وقبشي .

اك آغير ، نازلي جزادر ، باكا برقش چاقيشي
خويدير سهوكوني بعضاً باشه ، لطفاً ، ققيشي

هسين كمال

شرقي آنادولونك ايرانه تابع اولوشي
تاريخك سير طيعينه موافق دكلدي .

توركلك بديت مهاجرتي اولان پشنجي
عصر هجري اوائلندن شيمدي يه قدر

بوقطه هيچ بروقت عراق سلطانلرينه
تابع اولماش ايدى . دائما آنادولو

سلطانلغنه مربوط قالمشدى . ايرانه
مربوطيتي غير طيعي بر حال ايدى .

تهكيم برآز صوكرآ آنادولو سلطاني
طرفدن استرداد اولوندى . آنادولو

سلطاني ياوز سليم ايران شاهني مغلوب
ايدرهك حوالى مذكوره ني كيري آلدى .

بالآخره ايران دولتي عراق عرب
قطعه سني ده ضايع ايتدى . شو صورته

اسكي عراق سلطانلني خراساني آلمق
وعراق عربي غائب ايتك اوزره يكيكن

وقطعياً تشكى ايش اولدى . بوحدود
كرك شرقده وكرك غربده همان هيچ دكيشمدي

شرقده توركستان خاقانلري اولان شيانيلر ، متهايداً خراساني ضبطه چاليشديلر سده موقق
اوله ميوب جيحونك اوتيه ياقه سنه آتيلديلر . غربده ايسه آنادولو سلطانلري برچوق

دفعه لر آذربايجان واراني اله كچيرديلر سده اونلرده طوتونه مديلر . اوزون عصرلر ايران
وطني ثابت ولايتغير برحاله قالدى . يالكز اون طقوزنجي عصرده روسلر اراني وشرقده

خراسانك شمالي آله كچيرديلر .
صفري عائله سني آفشار خانداني واوئي ده زندوقاچار خاندانلري استخلاف ايتدى

وزمانمزه قدر دوام ايلدى .
ايرانك توركلر طرفدن بديت استيلا سندن زمانمزه قدر وقاييني وايرانك صورت

تشكلني بوراده خلاصه ايندك . ايرانده تشكى ايدن خاندانلر سلجوقيلردن قاجارلره قدر
كاملاً تورك اولديني كي ، دولتي تشكىل واداره ايتش اولان عناصرده تورك ايدى ،

تورکمن ایدی . آل سلجوق اداره‌سند آسایه مهاجرت ایدن تورکمنلرک ایرانده توطن ایدن اقسامی اولا اصفهان مدینه‌سنی وبلا آخره تبریزی مرکز اتخاذا ایشلر ، ایران وطنی و ایران ملت و دولتی وجوده کتیرمشلر و تورک قومی ایچنده مستقل بر ملت حاله کیشلردی .

تَحْلِيلُ وَتَنْقِيذُ

تاریخی ارض‌روم

مؤلفی : محمد نصرت - ص : ۱۰۰
علی شکری مطبعه‌سی - استانبول ۳۳۸

صوک اون سنهک انتباه دوری ، مملکتی طانیق و طانیق عزمنی جاتلی مثاللره کوستردن اثرلر میدان کتیردی . « آنادولو مجموعه‌سی » ، بویوک براقشارله قارشیلادینی بواثرلری

کوی الهامری :

مملکت خلقنه طانیق ایچون چالیشدیغنی شمدی یه قدر اولان نشریاتی ایله کوستردی . بو کون ده ، سابق ارض‌روم معنوی نصرت افندی طرفدن یازیلوب نشر ایدیلم « تاریخی ارض‌روم » ی موضوع بحث ایدو جکدر .

اثر ، ملی جدالک حرارتلی و غلبانی صدرلرنده چیقدی ، مملکتک چوق قیمتی و قوتلی برکوشه‌سنه عائد معلوماتی ویرمسنه رغماً دیه بیلیرز که هیچ کیمه‌نک اثردن خبری یوقدر . آرادسه کز کتبخانه‌لرده بولا مازسکن . محیط بو کبی شیلره علاقه‌سنز اولدیغنی کبی محررده جداً متواضع و چکیکن داویراندی . حتی مملکه عائد تدقیقلر

چشمه

هر غریب چشمه کبی بو زواللی چشمه ده کوندن کونه قورو بوب بویله غریب‌لشمه ده !

~~~~~

داملا داملا صوبندن کوکلره قان آقار ، صوصایان یوره کلره بوتون بر هجران آقار !

~~~~~

بیاض ، مهر طاشلری آرتق ثولکون بکزی ، آغلابان صولرنده حزین بر کوکل کبزی !

~~~~~

بر داملا صو ایستسه ک بو زواللی چشمه دن ، بر داملا ایجه مرسک هجرانکی آشمه دن !

~~~~~

کوک اسکی چشمه‌سی بویله قورو بوب اریر . بعض آقشام اوکنده بر قایچ یولچی اوربریر .

محمد فاروق